## 0.0.1 bāhiyasuttam

- 1. evam me sutam: ekam samayam bhagavā sāvatthiyam viharati jetavane anāthapindikassa ārāme.
- 2. tena kho pana samayena bāhiye dāruciriye suppārake paṭivasati samuddatīre sakkato garukato mānito pūjito apacito, lābhī civarapiṇḍapātasenāsana gilānapaccayabhesajjaparikkhārānam. atha kho bāhiyassa dārucīriyassa rahogatassa paṭisallīnassa evam cetaso parivitakko udapādi: ye ca kho keci¹ loke arahanto vā arahattamaggam vā samāpannā, aham tesamaññataro'ti.
- 3. atha kho bāhiyassa dārucīriyassa purāṇasālalohitā devatā anukampikā atthakāmā bāhiyassa dārucīriyassa cetasā cetoparivitakkamaññāya, yena bāhiyo dārucīriye tenupasaṅkami. upasaṅkamitvā bāhiyam dārucīriyam etadavoca: ne va kho tvam bāhiya arahā. nāpi arahattamaggam vā samāpanno. sāpi te paṭipadā natthi yāya vā tvam arahā assa², arahattamaggam vā samāpanno'ti. atha ko carahi sadevake loke arahanto vā, arahattamaggam vā samāpanno?'ti. atthi bāhiya uttaresu janapadesu sāvatthi nāma nagaram. tattha so bhagavā etarahi viharati araham sammāsambuddho. so hi bāhiya bhagavā arahā ceva, arahattāya ca dhammam desetī'ti

<sup>&</sup>lt;sup>1</sup>ye kho keci, machasam.

<sup>&</sup>lt;sup>2</sup>assasi, syā.

pts page 007

- 4. atha kho bāhiyo dārucīriyo tāya devatāya saṃvejito tāvadeva suppārakā³ pakkāmi sabbattha ekarattiparivāsena. yena sāvatthi jetavanaṃ anāthapiṇḍikassa ārāmo⁴ tenupasaṅkami. tena kho pana samayena sambahulā bhikkhū abbhokāse caṅkamanti. atha kho bāhiyo dārucīriyo yena te bhikkhū tenupasaṅkami. upasaṅkamitvā te bhikkhū etadavoca: kahannu kho bhante etarahi so bhagavā viharati arahaṃ sammāsambuddho? dassanakāmamhā mayaṃ taṃ bhagavantaṃ⁵ arahantaṃ sammāsambuddha'nti. antaragharaṃ paviṭṭho kho bāhiya, bhagavā piṇḍāyā'ti
- 5. atha kho bāhiyo dārucīriyo taramānarūpo jetavanā nikkhamitvā sāvatthim pavisitvā addasa bhagavantam sāvatthiyam piṇḍāya carantam pāsādikam pasādanī-yam santidriyam santamānasam uttamadamathasamathamanuppattam<sup>6</sup> dantam guttam yatinduriyam nāgam. disvāna yena bhagavā tenupasankami. upasamkamitvā bhagavato pāde sirasā nipatitvā bhagavantam etadavoca: 'desetu me bhante bhagavā dhammam, desetu sugato dhammam, yam mamassa dīgharattam hitāya sukhāyā'ti.
- **6.** evam vutte bhagavā bāhiyam dārucīriyam etadavoca: 'akālo kho tāva bāhiya. antaragharam paviţ-

<sup>&</sup>lt;sup>3</sup>suppārakamhā, machasam.

<sup>&</sup>lt;sup>4</sup>bhagavāsāvatthiyam viharati jetavane anāthapindikassa ārāme, sū.

<sup>&</sup>lt;sup>5</sup>dassanakāmamahā bhagavantam, machasam.

 $<sup>^6</sup>$ uttamasamathadamathamanuppattam, machasam.

bjt page 144

țhamhā piņdāyā'ti.

- 7. dutiyampi kho bāhiyo dārucīriyo bhagavantam etadavoca: "dujjānam kho panetam bhante bhagavato vā jīvitantarāyānam, mayham vā jīvitantarāyānam. desetu me bhantebhagavā dhammam, desetu sugato dhammam, yā mamassa dīgharattam hitāya sukhāyā"ti.
- **8.** dutiyampi kho bhagavā bāhiyam dārucīriyam etadavoca: " akālo kho tāva bāhiya. antaragharam paviţthamhā pindāyā"ti.
- 9. tatiyampi kho bāhiyo dārucīriyo bhagavantam etadavoca: "dujjānam kho panetam bhante, bhagavato vā jīvitantarāyānam, mayham vā jīvitantarāyānam desetu me bhante bhagavā dhammam, desetu sugato dhammam, yam mamassa dīgharattam hitāya sukhāyā"ti.
- **10.** tasmātiha te bāhiya, evam sikkhitabbam: "diṭṭhe diṭṭhamattam bhavissati, sute sutamattam bhavissati, mute mutamattam bhavissati, viññāte viññātamattam bhavissatī"ti. evam hi te bāhiya, sikkhitabbam.
- 11. yato kho te bāhiya, diṭṭhe diṭṭhamattaṃ bhavissati, sute sutamattaṃ bhavissati, mute mutamattaṃ bhavissati. viññāte viññātamattaṃ bhavissati, tato tvaṃ bāhiya na tena. yato tvaṃ bāhiya na tena, tato tvaṃ

bāhiya na tattha. yato tvam bāhiya na tattha, tato tvam bāhiya nevidha, na huram, na ubhayamantare<sup>7</sup>. esevanto dukkhassā"ti,

- **12.** atha kho bāhiyassa dārucīriyassa bhagavato imāya saṅkhittāya dhammadesanāya tāvadeva anupādāya āsavehi cittaṃ vimucci.
- **13.** atha kho bhagavā bāhiyam dārucīriyam iminā sankhittena ovādena ovaditvā pakkāmi.
- **14.** atha kho acirapakkantassa bhagavato bāhiyam dārucīriyam gavī tarunavacchā adhipātetvā jīvitā voropesi.
- 15. atha kho bhagavā sāvatthiyam piṇḍāya caritvā pacchābhattam piṇḍapātapaṭikkanto sambahulehi bhikkhūhi saddhim nagaramhā nikkhamitvā addasa bāhiyam dārucīriyam kālakatam. disvāna bhikkhū āmantesi: "gaṇhatha bhikkhave bāhiyassa dārucīriyassa sarīrakam. mañcakam āropetvā nīharitvā jhāpetha. thūpañcassa karotha. sabrahmacārī vo bhikkhave kālakato"ti.
- **16.** "evam bhante"ti kho te bhikkhū bhagavato paţissutvā bāhiyassa dārucīriyassa sarīrakam mañcakam

 $<sup>^7</sup>$ ubhayamantahena. sī.

bjt page 146

āropetvā nīharitvā jhāpetvā thūpañcassa karitvā yena bhagavā tenupasaṅkamiṃsu. upasaṅkamitvā bhagavantaṃ abhivādetvā ekamantaṃ nisīdiṃsu.

- 17. ekamantam nisinnā kho te bhikkhu bhagavantam etadavocum: "daḍḍham bhante bāhiyassa dārucīriyassa sarīram. thupo cassa kato tassa kā gati? ko abhisamparāyo?"ti.
- **18.** "paṇḍito bhikkhave, bāhiyo dārucīriyo paccapādi dhammassānudhammaṃ. na ca maṃ dhammādhikaraṇaṃ vihesesi. parinibbūto bhikkhave bāhiyo dārucīriyo"ti.
- **19.** atha kho bhagavā etamattham viditvā tāyam velāyam imam udānam udānesi:

"yattha āpoca paṭhavī tejo vāyo na gādhati. na tattha sukkā jotanti ādicco nappakāsati, na tattha candimā bhāti tamo tattha na vijjati.

yadā ca attanā vedī muni monena brāhmaņo,

atha rūpā arūpā ca sukhadukkhā pamuccatī"ti.

20. ayampi udāno vutto bhagavatā. iti me sutanti.

pts page 009